

誠齋集

三二

蘇平知

如學

PDG

誠齋集卷第一百三十一

廬陵楊

万里

廷秀

墓誌銘

太孺人劉氏墓誌銘

吾州鄉貢進士胡錢與其弟太學待補生問自瑤  
環瑜珥衣文祿時已嬰陟岵之戚惟胡氏有西昌  
黃漕之胡有廬陵值夏之胡錢之先諱衍第慶曆  
十一年進士官至朝奉大夫者黃漕之胡也近世  
澹菴先生資政殿學士忠簡公值夏之胡也二族  
同源而異委皆為吾州名族而錢問以偃子而孤

人謂是家其不競矣夫則有賢母以母之鞠兼父之訓倒橐肱麓一簪不留盡用以招聘一郡之明師遠方之良朋以儒其二子二子少長雋聲四馳之學韓如淳熙十年錢貢請太常問亦婁中待試太學生負明年 壽聖皇太后聖壽邛隆

天子率百官奉玉卮上千萬歲壽上自公卿大夫下逮士之賞與計偕者其父母皆行封有差於是錢之母錫紫告象軸封太孺人又三年 光堯大上皇慶壽湛恩加賜冠帔於是里之人喟曰微此母孰才是子微此子孰祉是母二子乃取

綸言子與賓興身逢休慶之詞作堂奉親扁以逢  
慶良齋尚書謝公特書以記其事乘成先生監丞  
周公大書以揭其扁少傳大觀文左丞相益國周  
公賦詩以侈其榮一時名勝和者山則歲時二子  
及婦若孫百拜於庭升堂上壽芝蘭相輝俎壺即  
叙太孺人朱顏鶴髮正坐舉觴觀者豔焉一日御  
板輿升輶軒盛服徃外家留連竟日與諸戚屬款  
語特異平時周諄若遠別者暮歸又與婦子談外  
家事甚悉詰朝夙興盥漱冠衣危坐忽若得疾人  
無覺者問家人子曰日將午否曰過午矣即奄然

而逝實慶元戊午十一月十九日也享年八十有六太孺人姓劉氏吉之大和人也父諱獬左奉議郎通判德慶府太孺人自幼柔惠警敏父授以孝經論語孟子一過能誦略通大義終身不忘父愛之異諸女擇對得邑子胡著字懋仲即以女焉懋仲茹古績文士友推表於是胡氏劉氏兩族皆以文儒相高以詞鋒相摩州閭敬焉無祿懋仲蚤世而太孺人迪子能家自苗而實將芥而淳君子以為難太孺人經理家政有條于儉于勤初約終豐視前過之無不及者然天性急義銖視貨寶雍內

睦外宗附姍懷孰兒而孤我與室之孰女而娶我  
與嫁之孰寒孰飢穀之絲之晚好浮屠書若有得  
者常語家人子曰吾他日當無疾而逝已而果然  
二子四孫長曰天麟中待補大學生四女孫長適  
進士劉處愚餘皆幼後二年其歲庚申其月中呂  
其日丙申其縣吉水其鄉中鵠其原楊梅太孺人  
葬焉先是錢興問以奉直大夫廣南東路轉運判  
官黃公夏之狀來謁銘銘曰

天孫雲機織錦為詞如綸如絲挂棟蘭梁荷蓋為  
堂龍炙玉漿有軒斯魚有絲斯裾壽觴斯愉胡松



胡椒言闕其丘言千其秋

節婦劉氏墓銘

予亡友安福西溪先生劉君彥純育德丘園遁光  
闕芬孝友忠信茂于家庭藹于州里聞于冕旒淳  
熙聖人駿發書詔褒嘉幽潛表厥門閭用旌高蹈  
先生既沒其名益尊其善彌章過其門而聞誦弦  
之聲登其堂而薰雍睦之風遇諸塗而遜行臨乎  
財而遜得者不問而知其為先生家子弟也然未  
足觀先生之化也先生有女生長見聞饗義服仁  
襲禮安詩自毀齒時不待姆訓不繇師誨有齋且

淑宗婦詠贊者不問而知其為先生女也然未足  
觀先生之德也後數十年則聞安福彭氏有節婦  
劉其姓有予聞而驚異焉一日有客自彼來者問  
以劉節婦者為誰曰同邑人士彭雲翼之妻應時  
之母而西溪先生之女也予曰其節何居曰劉之  
婦于雲翼也春秋二十有三至其廢也二十有六  
其沒也一星終者五始其夫以苦學屬疾授室三  
年竟不起云是時舅姑俱存而子未晬也里之人  
曰夫亡疇依子幼疇希是能安其室而疇婦乎夫  
人聞之曰曾謂世無共姜婦皆文君乎舜何人也



予何人也則嚮簪珥以葬其夫祝鬢髻以訓其子  
繁蘭膳以奉其舅姑至於吉蠲蘋蘩經紀生業不  
懈益勤不約益豐買書充棟秩賓滿座明師諒友  
自遠雲集子學曰新子譽日間於是周急施惠拊  
生收死族親表裡成被庶賴至其自奉荆釵葛製  
嚮水脫粟蕭然一窶人子也夫人一女子耳而彭  
氏之烝嘗託焉父母託焉子孫託焉而其身則四  
十年無儷而安焉茲不謂節婦而謂之何哉予於  
是毛髮盡豎胸臆憤發不覺起立而長太息曰伯  
夷家兒無奪席后稷之孫無情穉非其性有乎爾

則亦習有乎爾故不知西溪之德者蓋亦無觀其  
人而觀其子弟無觀其子弟而觀其女乎可謂今  
之宋伯姬陳孝婦也已夫人一子即應時也秋闈  
三預侍試太學生負之選一女適進士羅日新孫  
女一人許嫁歐陽三傑夫人沒于慶元五年八月  
乙酉葬以明年十月巳酉鄉曰慶雲山曰潭北先  
是具孤應時以通直郎新知隆興府武寧縣事歐  
陽俱之狀來請銘予與西溪先生友且親非予銘  
之而誰也銘曰

耄耄哉二親呱哉一嬰夫也不存嗟未士人言榮其

身而當其門胡寧有旻言遺之屯烈彼松筠外鑠  
霜冰上貫月星彭氏有祀西溪有子維節婦之題

陳養廉墓誌銘

天下有獨立之士乎無也蓋有之矣我未之見也  
若永豐陳生懋簡者其庶幾乎邑之里曰沙溪故  
有六一先生祠堂久而圯圯而莫之葺葺與不葺  
不校也而生一日過之若大戚焉獨奮而葺之新  
而大之予聞而嘉之曰此庶幾所謂獨立之士也  
非乎或曰此士之細也奚嘉焉曰漢世春秋之學  
嘗尊公羊矣又嘗尊左氏矣時之所尊勢之所歸

也歸乎彼必叛乎此在彼無歸在此無叛其獨立之士也歟陳生是已生字養廉懋簡其名也世居吉之永豐曾祖言祖深老略俱不仕養廉幼敏慧意趣磊落少長勵志問學從試有司累無遇則喟曰經不耕不得道田不耕不得食是可一廢乎每讀書小極則取陶朱治生之書而考問焉晝雨于田宵雨于簡編經史內飲食貨外羨卒擅一鄉士農之贏然營以胼胝享以錙撮積以豆區施以庾釜遭父喪及葬送車數十百兩母夫人春秋高養志養体情之兼隆食上必察所膳食下必請所與

先意將迎先事貯儲擇地爽塏築室廣深九數百  
楹娶兄弟子姪無得異居無不合食甬學於斯甬  
稼於斯宅里冲裕親庭怡愉鄉人儀之罔陷非義  
其子自伯虎而下競爽有令質可才可儒則擇明  
師以迪之厚禮幣以資之今皆有稱復命伯虎築  
一精舍不囂不塵度書於間其專其勤艮齋先生  
謝公扁曰立齋以勗之云歲辛卯大侵繡漕者流  
乘之藴年官勸之分則上其佑以浚民養廉痛下  
其佑遠至旁郡異縣咸賴以活百里之內疾者藥  
死者藏婚者不失時緩急叩門不以在亡為辭不

以有無為解養廉既一新六一先生之祠大夫士  
翕然稱之適新太守方侯崧卿下車聞之馳書致  
禮且諭瀧岡阡無恙否亟出公有屬邑尉陳元勲  
汎除焉又請養廉贊之養廉欣然曰吾志也即盡  
力佐費屋廬垣墉是葺是周是堅是飾工告成而  
養廉以疾逝矣蓋紹熙二年八月一日也享年六  
十有五娶徐氏先卒八子長伯虎也次朔大度大  
明大用大中大雅大敏二女適進士徐少逸鄉貢  
進士毛作賓孫男十六人無悔僉無偽無莫介無  
咎無勉無伐會無已無競無倦無遺無惑女四



人俱幼其來年正月辛酉諸孤葬養廉于邑之明德鄉沙溪里之塘原予嘗以羅椿之請為養廉記六一先生祠堂之役矣今其孤又以迪功郎新臨江軍清江縣主簿曾煥狀因予猶子壽森來請銘銘曰

道初一源派百其川自百而千以燕伐燕六一皇皇仁義其相金玉其章與韓相望祠之奚巍莫祠奚卑陳生其嘻其梧其枝有為為之無為不為陳生不知知者其誰

大恭人董氏墓誌銘

孝婦董氏衢之西安人贈奉直大夫劉公諱蘊之  
妻朝請大夫司農少卿總領淮西江東軍馬錢糧  
穎之母也初皇姑某氏性嚴且急里人以為難事  
惟夫人能得其懽心姑被末疾起居飲食非人不  
動夫人夙興問安否退區處月用復適姑所掖以  
興為之衣服率家人舁置便坐理髮礪面具藥餌  
膾膳飲節寒煖而進之且代之手七筋間則虞侍  
左右至夜寐始敢休息抑搔苛癢澡沐垢汙罔弗  
躬者每有肴核必導其旨且密為貯儲問所欲而  
敬薦之如是八年猶一日叔姒姑之猶子也前輒

麾卻曰大婦事我有和氣無倦色吾心安焉顧謂夫人汝盡孝他日子孫必孝汝姑疾竟不起其父母皆年無恙每語夫人吾女不幸久嬰沈痼夫人事之孝雖死吾無恨恨無以報夫人天必能為我報之姑之弟兄來過夫人出拜輒引避或不覺膝為之屈曰夫人事吾婦孝莫能報其敢辱尊禮以重吾過夫人無勤願厚自愛當必享後福姻族敬慕鄉里稱願教其女婦必以夫人為言夫人之先好善樂施鄉人以佛稱之夫人生而家已貧婦劉氏又貧以家婦任家政艱難辛苦有人所不堪